

BASES DA CONVOCATORIA DA CONSULTA PRELIMINAR AO MERCADO NO MARCO DO PROGRAMA DE COMPRA PÚBLICA DE INNOVACIÓN CENTRO GALEGO DE SOLUCIÓNS INNOVADORAS EN TORNO Á CADEA DE VALOR DO H2 VERDE, DA SECRETARÍA XERAL TÉCNICA DA CONSELLERÍA DE ECONOMÍA, INDUSTRIA E INNOVACIÓN.

I. ANTECEDENTES

Desde a Xunta de Galicia, a través da Secretaría Xeral Técnica da Consellería de Economía, Industria e Innovación, preténdese a posta en marcha dun programa de Compra pública de Innovación (CPI) que mobilizará entre 5 e 10 millóns de euros destinados ao fomento da investigación e desenvolvemento de solucións innovadoras en torno ao hidróxeno verde, xa que tendo en conta os recursos renovables existentes na Comunidade Autónoma, e o potencial tanto industrial como de coñecemento dispoñible en Galicia, considérase necesario sentar neste contexto a bases dun espazo demostrador en tecnoloxías relacionadas co H2 Verde, facendo especial fincapé en descarbonización e almacenamento de enerxía.

Na Comunidade Autónoma de Galicia, en colaboración coa Axencia Galega de Innovación (GAIN), a Axencia de Modernización Tecnolóxica (AMTEGA), e a Asesoría Xurídica Xeral abriuse un proceso de preselección de proxectos de Compra Pública de Innovación, na que se implicarán a todos os seus departamentos para a mellora dos servizos públicos.

A Secretaría Xeral Técnica da Consellería de Economía, Industria e Innovación, impulsa unha serie de iniciativas co obxectivo de mellorar os procesos actuais e transformar o modelo da cadea de valor do Hidróxeno renovable.

O desenvolvemento das novas tecnoloxías orientadas a impulsar a transición cara a unha economía verde e sustentable supón unha oportunidade extraordinaria para aproveitar plenamente o potencial en ámbitos tan relevantes como o H2 Verde.

Por todo iso, preténdense desenvolver solucións innovadoras que permitan liquidar as limitacións actuais configurando varios retos que se trasladarán ao mercado.

Os retos do programa "Centro Galego de Solucións Innovadoras en torno á Cadea de Valor do H2 Verde" fundaméntanse, por tanto, en impulsar o desenvolvemento de actuacións de innovación para contribuír á mellora dos servizos públicos. Por iso, apóstase pola Compra Pública de Innovación (CPI), e divídense en varias áreas de traballo:

- Xeración e produción de H2Verde
- Almacenamento de H2Verde
- Usos e aplicacións
- Desenvolvemento software e aplicacións web
- Xemelgo Dixital de tecnoloxías e procesos
- LCA e LCC
- Seguridade e Normativa.

Este proxecto será susceptible de ser financiado a través da liña FID do Ministerio de Ciencia e Innovación no marco do Programa Operativo Plurirrexional FEDER 21-27.

Previo a calquera procedemento de Compra Pública de Innovación, diferentes guías, entre elas a Guía de boas prácticas para favorecer a Contratación Pública de Innovación en GALICIA (Axencia Galega de Innovación -Consellería de Economía e Industria, setembro de 2016), recomentan artellar a chamada "Consulta Preliminar do Mercado".

As Consultas Preliminares do Mercado están reguladas no artigo 115 da 9/2017, do 8 de novembro, de Contratos do Sector Público (en diante, LCSP), pola que se transpoñen as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, artigos 40 e 41, os órganos de contratación poderán realizar estudos de mercado e dirixir consultas aos operadores económicos que estivesen activos no mesmo coa finalidade de preparar correctamente a licitación e informar aos citados operadores económicos acerca dos seus plans e dos requisitos que esixirán para concorrer ao procedemento.

Polo anterior, a Secretaría Xeral Técnica da Consellería de Economía, Industria e Innovación publica a presente convocatoria de Consulta Preliminar do Mercado para preparar a eventual contratación dun ou varios proxectos de Compra Pública de Innovación, informando para iso aos operadores económicos acerca dos retos e das necesidades para liquidar.

II. BASES DA CONSULTA PRELIMINAR DO MERCADO

1. Convocatoria

Convócase unha Consulta Preliminar do Mercado no marco do Programa de Compra Pública de Innovación denominado Centro Galego de Solucións Innovadoras en torno á Cadea de Valor do H2 Verde da Secretaría Xeral Técnica da Consellería de Economía, Industria e Innovación, co que se pretende desenvolver un proxecto innovador de hidróxeno co que poder realizar a compra de equipamento ou desenvolver proxectos piloto da mencionada temática e co fin de preparar as eventuais licitacións, informando para iso aos operadores económicos acerca dos retos e das necesidades para liquidar.

2. Obxecto

O obxecto da presente Consulta Preliminar do Mercado é recompilar a información necesaria para preparar unha ou varias eventuais contratacións públicas no marco do programa de Compra Pública de Innovación da Secretaría Xeral Técnica da Consellería de Economía, Industria e Innovación, e informar os operadores económicos acerca dos seus plans e requisitos de contratación.

Esta consulta busca promover a participación de persoas físicas ou xurídicas para a presentación de solucións destinadas a dar resposta aos retos publicados no anexo I da presente convocatoria mediante a utilización de tecnoloxías que superen as prestacións das existentes actualmente no mercado.

Concretamente preténdese que, a partir dos resultados da Consulta Preliminar do Mercado, se poida contar co coñecemento suficiente sobre as solucións máis

innovadoras que o mercado podería desenvolver para definir as especificacións funcionais que permitan a innovación e sexan factibles de alcanzarse.

3. Participantes

A Convocatoria é aberta e diríxese a persoas físicas ou xurídicas, públicas ou privadas.

Admitirase a presentación de varias solucións por unha mesma persoa física ou xurídica, xa sexa individualmente ou de forma conxunta con outras.

4. Presentación de propostas de solución

As propostas de solución presentaranse enviando un correo electrónico á dirección: cpi.industria@xunta.gal

Para a presentación das propostas de solución os propoñentes cinguiranse ás seguintes regras:

- a) Os participantes deberán formular as súas propostas de solución cubrindo o formulario que se atopa no anexo I da presente convocatoria.
- b) Os participantes presentarán as súas solucións en galego, castelán ou inglés. A comunicación cos participantes para responder as preguntas que se expoñan realizarase en castelán.
- c) Poderase acompañar o formulario coa documentación complementaria que se estime oportuna, onde se poderá desenvolver a proposta de solución con maior detalle. En calquera caso, a documentación complementaria da proposta de solución proporcionarase en arquivos menores a 5 Mb. Se debido á documentación complementaria fose necesario superar o tamaño máximo permitido, esta documentación deberá entregarse a través dunha ligazón para descarga a través dun sistema de intercambio de arquivos na nube.
- d) As propostas de solución identificaranse cun acrónimo, o cal se indicará en todas as comunicacións.
- e) Poderanse enviar sucesivas versións dunha proposta de solución, co mesmo acrónimo. Cada proposta de solución enviada substituirá completamente á anterior. Por iso, a nova proposta deberá incluír todo o que se considere que segue sendo válido das anteriores.
- f) No caso de que unha proposta de solución se presente de forma conxunta, deberá empregarse unha única vía de comunicación (un único correo electrónico) para os efectos de interlocución cos propoñentes.
- g) Os custos derivados da participación correrán a cargo dos participantes.
- h) As propostas de solución poderán presentarse en calquera momento a partir da data de inicio indicada na presente convocatoria, e sempre que esta permaneza aberta, segundo se indica na cláusula oitava.
- i) A Secretaría Xeral Técnica da Consellería de Economía, Industria e Innovación, non se obriga a financiar nin a aceptar as propostas de solución presentadas.

5. Aplicación dos principios de transparencia, igualdade de trato e non discriminación nin falseamiento da competencia

A participación na Consulta Preliminar do Mercado, os contactos mantidos cos participantes ou os intercambios de información rexeranse baixo os principios

comunitarios convocatoria de transparencia, igualdade de trato e non discriminación, sen que poidan ter como efecto restrinxir ou limitar a competencia, nin outorgar vantaxes ou dereitos exclusivos nunha eventual licitación posterior. A súa inobservancia poderá ser considerada como infracción. Para ese efecto, a Secretaría Xeral Técnica adoptará as medidas necesarias para garantir o mantemento dos citados principios, tanto no desenvolvemento desta convocatoria como en calquera posible procedemento de contratación posterior.

A participación na Consulta Preliminar do Mercado non outorgará dereito nin preferencia algunha respecto da adxudicación dos eventuais contratos que poidan celebrarse con posterioridade no ámbito do obxecto desta convocatoria e, como consecuencia diso, non conleva ningunha obrigaón de financiamento ou aceptación das propostas de solución presentadas.

As dúbidas e preguntas que poidan xurdir durante o proceso de Consulta Preliminar do Mercado por parte dos operadores económicos serán contestadas a través dun documento publicado para ese efecto na páxina web ou perfil de contratación (<https://economia.xunta.gal/alianzaindustrialh2-cpi>) co fin de garantir que todos os participantes interesados dispoñan da mesma información.

Finalizada a consulta, se se considera oportuno continuar coa contratación, poderase publicar na páxina web ou perfil de contratación (<https://economia.xunta.gal/alianzaindustrialh2-cpi>) o denominado "Mapa de Demanda Temperá" da futura ou futuras contratacións que se pretendan convocar, para os efectos de informar o mercado para que poida preparar as ofertas, facilitando a planificación e a redución do risco. A ausencia de publicación do "Mapa de Demanda Temperá" non impedirá que no futuro a Administración poida promover licitacións que satisfagan total ou parcialmente as necesidades administrativas que foron obxecto de consulta previa.

Farase pública aquela información intercambiada cos participantes no marco desta Consulta Preliminar do Mercado que garanta o cumprimento dos principios de transparencia, igualdade de trato e non discriminación. Esta información publicarase mediante fichas de avance, xornadas públicas, documentos de información, mapas de demanda temperá ou outros formatos destinados para ese efecto.

6. Apoio técnico

A Secretaría Xeral Técnica poderá valerse do asesoramento doutras entidades que considere oportunas para a correcta execución e resolución de dúbidas e cuestións que se presenten durante a Consulta Preliminar do Mercado.

Para a análise das diferentes propostas de solución presentadas, poderase nomear un Comité Técnico formado por persoal da Secretaría Xeral Técnica e/o doutras instancias públicas que se consideren de interese. Este Comité poderá solicitar a opinión de expertos externos con voz, pero sen voto nas deliberacións.

Contarase co asesoramento e apoio da empresa SIDI CONSULTORÍA E XESTIÓN S.L. para o desenvolvemento das actuacións necesarias no proceso de consultas preliminares do mercado.

No momento anterior á súa intervención no proceso, publicarase o nome dos asesores/expertos ou entidades asesoras involucrados na Consulta Preliminar do Mercado na Plataforma de contratación.

A Secretaría Xeral Técnica adoptará as medidas necesarias para, en caso de identificar un posible conflito de interese, garantir o mantemento dos citados principios de contratación pública.

7. Prazo e actualizacións da Consulta Preliminar do Mercado.

O primeiro prazo para a presentación de propostas de solución comezará o día seguinte ao da publicación desta convocatoria na Plataforma de Contratación, e finalizará o 2 de outubro ás 14:00. Este prazo poderá ser ampliado se se considera oportuno, o que se comunicará a todos os que participasen ata ese momento na consulta a través da dirección de correo electrónico proporcionada, e farase público na Plataforma de Contratación.

Poderanse realizar xornadas informativas, reunións cos participantes e calquera outras actuacións de comunicación e difusión que se estimen oportunas. Se se considerase necesario, a Secretaría Xeral Técnica poderá contactar con participantes concretos para solicitar máis información sobre a súa proposta de solución, aclarar dúbidas ou solicitar demostracións.

A Secretaría Xeral Técnica poderá publicar actualizacións dos retos da presente convocatoria. Poderá, por tanto, engadir novos retos ou reformular os retos publicados froito da evolución do propio proceso de Consulta Preliminar do Mercado. Tamén, durante o desenvolvemento da consulta, se poderá publicar información relativa aos avances da mesma.

Sen prexuízo do emprego doutras canles complementarias, toda a información actualizada sobre a consulta estará dispoñible no perfil de contratante e na páxina web do Programa.

Comunicaranse estas actualizacións a todos os que participasen ata ese momento na consulta a través da dirección de correo electrónico facilitada ao enviar a proposta de solución.

O peche da consulta determinarase para cada reto publicado cando a Secretaría Xeral Técnica estime que:

- Dispón de información suficiente sobre propostas de solución innovadoras para ese reto como para iniciar un eventual proceso de contratación pública de innovación, ou
- Considere que tal reto non xerou suficiente interese no mercado como para manter a consulta aberta, ou
- Considere que a oportunidade de expor ese reto decaeu

O peche da consulta sobre un reto publicarase no perfil do contratante e no sitio web (<https://economia.xunta.gal/alianzaindustrialh2-cpi>).

Comunicarase o peche de cada reto a todos os que participasen ata ese momento na consulta a través da dirección de correo electrónico achegada. Poderase revogar o aviso de peche dun reto en calquera momento informando diso polos mesmos medios.

8. Resultado da Consulta Preliminar de Mercado

A Secretaría Xeral Técnica estudiará as propostas de solución que se presenten e poderá utilízalas, conforme ao establecido no artigo 126 da LCSP para definir as especificacións funcionais ou técnicas detalladas que se poidan empregar nos procedementos de contratación de bens ou servizos que con posterioridade se poidan convocar.

A Secretaría Xeral Técnica fará constar nun informe final as actuacións realizadas no marco da Consulta Preliminar do Mercado. No devandito informe aparecerá a listaxe de entidades participantes na consulta e estableceranse, ademais, as próximas actuacións que levará a cabo a entidade podendo ser, entre outras, a publicación do Mapa de Demanda Temperá. Este informe formará parte dos eventuais expedientes de contratación que del se deriven.

9. Protección de datos persoais e confidencialidade.

A Secretaría Xeral Técnica almacenará os datos de contacto dos participantes no procedemento aos meros efectos de establecer unha canle de comunicación cos proponentes durante o proceso de Consulta Preliminar do Mercado.

Para asegurar a transparencia do proceso, a dispoñibilidade da maior información posible e o intercambio eficaz de experiencias e opinións, os participantes farán constar expresamente a súa conformidade para que a Secretaría Xeral Técnica manteña accesible e actualizada a información necesaria, total ou parcial, sobre as súas propostas de solución, sen prexuízo daquela que fose identificada como confidencial.

Para iso, os participantes indicarán a documentación ou a información técnica ou comercial da súa proposta de solución que presenta carácter confidencial, non sendo admisible que se efectúe unha declaración xenérica ou se declare que toda a información ten carácter confidencial. Este carácter confidencial protexe, en particular, os segredos técnicos ou comerciais e os aspectos confidenciais identificados nas propostas de solución. Neste sentido, o contido da información incluída no formulario do anexo II, en ningún caso poderá ser cualificado como confidencial e unicamente os adxuntos a ese formulario poderán designarse como tales concretando os aspectos que se vexan afectados pola devandita declaración de confidencialidade.

10. Dereitos de explotación

O uso do contido das propostas de solucións límitase exclusivamente á súa posible inclusión nas especificacións funcionais ou técnicas dun eventual procedemento de contratación posterior.

11. Contratación pública

A partir das propostas de solución recollidas como resultado desta convocatoria, a Secretaría Xeral Técnica poderá proceder co correspondente procedemento de contratación pública ulterior.

Este eventual procedemento de compra posterior estará aberto a todas as ofertas que cumbran, no seu caso, as condicións establecidas para ese procedemento participasen ou non nesta Consulta Preliminar do Mercado.